


霍山南儲君



霍山真形圖



潛山南儲君



潛山真形圖



墨有山形赤者水源黃者洞室穴也畫小者則形微大者則隴洪高下隨形長短取象其源畫神芝草有室之處自是後來出人皆於山處識而志之

靈寶无量度人上經大法卷之二十一

靈寶无量度人上經大法卷之二十二

招靈求仙品

凡修靈寶五篇真文思神念仙諸所求欲使時聞九天真人請房身得神仙當以立春後甲寅乙卯日沐浴清齋平旦入室東

向九拜乎坐叩齒九通關啟身神畢閉眼思東嶽泰山青帝君姓歲諱紫形長九寸

九分頭戴青玉通天冠衣青羽飛衣駕乘青龍從青腰玉女十二人從東方來降兆

室良父青帝君化為嬰兒在青炁之中隨

炁從兆口入運到腹中思心生赤炁以貫

繞肝府青赤二炁混沌相著如縈雲之沓

煙覺肝中薰熱便嚙九過仰祝曰

東方九門 中有始皇 出入三清 遊宴玉房

安鎮靈嶽 役運勾芒 上統青霞 九千九重

參駕羽輦 十三飛龍 左侍青腰 右衛神童

把執簡籙 青札玉文 校定名仙 列言上宮

今日大吉 請陳所言 身佩赤書 名參帝堂

願神頌仙 青籙導中 上回靈駕 來降我房

二炁混合 化形嬰矇 安治肝府 招致華光

靈輝流耀 面生金容 坐致自然 神明交通
身得長生 天地无窮

畢引青炁九嚙止行此道九年則致青腰
玉女九人東嶽泰山靈官來降為兆通致
求願上聞九天生死父母罪責役配屬

東嶽則神明更相屬滅除罪名自得解脫
升上福堂此法妙重生死津梁也

常以立夏後丙午丁未之日沐浴清齋正
中入室南向三拜平坐叩齒三通關啓身
神畢閉眼思南嶽霍山赤帝君姓榮諱魯

形長三寸三分頭戴赤玉通天寶冠衣丹
羽飛衣駕乘赤龍從赤圭玉女十二人從

南方來降兆室良久赤帝君化為嬰兒始
生常在赤炁之中隨炁從兆口入還至心
中思脾生黃炁以貫繞心宮黃赤二炁混

沌相著如炎火之爛光覺心中薰熱便三
嚙仰祝曰

丹天三光 南上玉門 中有大神 赤帝靈君
衣丹帶符 飛文羽裙 駕乘赤龍 與降飛雲
南霍靈山 萬神高尊 出入三清 上宴九女

赤圭玉女 五童衛真 把執簡籙 絡簿玉文
校定仙品 輕重上聞 今日大吉 靈樞關仙
上回高神 降我三門 變化嬰兒 鎮心安魂
混合二炁 纏我命根 長與祝融 駕乘景雲
逍遙南河 天地長存

畢引赤炁三嚙止行此道南嶽皆得解除
刑名釋散升上天宮其法妙重生死開通

常以春分夏節秋分冬節復戊辰戌巳
丑巳未之日沐浴清齋日映入室向玉十
二拜平坐叩齒十二通關啓身神畢閉目

思中嶽嵩山黃帝君姓暉諱農形長一尺
二寸頭戴黃玉通天寶冠衣黃羽飛衣駕

乘黃龍從黃素玉女十二人從中嶽來降
兆室良久黃帝君化為嬰兒始生在黃
炁之中隨炁從兆口入還至脾府思肺生

白炁以貫繞脾官黃白二炁混沌相著似
黃雲之回天覺脾中薰熱便十二嚙祝曰

中央黃元 總統四靈 戊己中山 元始上精
黃帝大神 參駕飛軒 十二黃龍 上宴三清
玉女侍衛 神畫使令 開山出圖 授仙定名

徘徊中嶽 四王敷靈 回真曲降 流耀我形
混合變化 老帝成嬰 鎮安黃宮 府藏華榮
身生奇毛 內外光明 具人交接 通達九階
得參黃軒 飛升玉庭

畢引黃炁十二嚙止行此道中嶽靈官降

房致黃素玉女十二人為兆通達關啓上
聞九天生死父母罪責刑名係於中嶽皆

得解滅罪書上名仙錄去雜地官并入福
堂生死關泰度人无量常以立秋後庚申
辛酉之日晡時沐浴清齋入室向西七拜

平坐叩齒七通關啓身神畢閉眼思西嶽
華陰山白帝君姓崇諱靈長七寸七分頭

戴素玉通天寶冠衣素羽飛衣駕乘白龍
從白素玉女十二人從西嶽來降兆室良
久白帝君化為嬰兒始生之狀在白炁之

中隨炁入兆口中還至肺府思腎生黑炁
以貫繞肺官白黑二炁混沌相著似慶雲
之沓霄覺肺中薰熱便七嚙仰祝曰

七炁之天 素黃金堂 白帝大神 安鎮四方
華陰靈山 號曰神王 白羽飛裙 建旗御龍

上遊玄清 出入華宮 總領仙籍 列簡請方
日吉佳辰 萬聖宴舉 徘徊九霞 流散暉光
金精煥煥 白石洋洋 闢山觀靈 神敷四鄉
頌道顯仙 願生願長 上願既會 靡不吉昌
暮收通真 改我形容 變化自成 與燕同翔

身飛輕舉 上升紫房

畢引白炁七炁止行此道則西嶽靈官白

帝降其白素玉女七人為兆通靈關啟所

求皆開九天生死父母罪書刑名係於西

嶽歲得解脫罪名自除各上仙籍去離五

道求升福堂生死開度福至自然

帝以立冬後壬子癸亥之日子時木浴清

齋入室北向五拜平坐叩齒五遍關啟身

神畢閉眼思北嶽恒山黑帝君姓名諱號

形長五寸五分頭戴玄玉通天寶冠衣玄

羽飛衣駕乘黑龍從太玄玉女十二人從

北嶽來降兆室良久黑帝化為嬰兒始生

之狀左黑炁之中隨炁入兆口中遲至腎

府思肝生青炁以貫繞腎府青黑二炁混

沌相著如碧雲之杏煙覺腎中薰熱便五

煉仰祝曰

五炁上天 上始精流 結炁凝靈 號曰仙虛

安鎮北嶽 黑帝所遊 遊宴北單 乘龍駕浮

今日玉吉 萬靈開圖 五炁徘徊 慶雲四敷

仙童執簡 太玄度符 記我仙籍 金籙上書

回真曲降 混合嬰孩 二炁交落 洞觀我軀

玄冥騰提 神仙為備 永享天地 萬劫无休

畢引黑炁五炁止行此道北嶽靈官黑帝

降具太玄玉女五人給已使令通致啟乞

上開九天生死父母罪名刑書係屬北嶽

正蒙解除得度三惡之道上升天堂大妙

上法普度无窮行此道當夷心靜思意注

分明靈真易感得其法式不移年而親神

行來出入之向方生官司迎慶靈消伏不

敢干前心聰慧自審吉凶五嶽五帝常

為友賓神明交通坐致神仙

上道高符品

南極上元君曰吾受高上順行三道之要黃

炁陽精之道服御靈暉口噴皇華仰餐飛根

存七曜於紫景行三道於金門洞於淵景明

日月之方圓觀朱階於洞陽入鍊陽於廣寒

登七寶於玄圃攀飛梯於雲觀吸陽精於浮

黎採黃炁於鬱單傍金翅於高木迴石景以

映顏修御靈圖遂感神真乃三景垂映七精

翼軒五靈交帶四司結篇西龜定錄名題高

晨故位登南極此道高妙非庸夫狹學所可

言論兆宜詳之而行

夫高奔日月上道清齋五十日絕交人事欲

得隱靜止令始暉之處若天陰日月不見時

及所在隱密但於室中所卧處潔淨存心而

思之唯在正心精思心至則无所不通臨日

存念極令髮髯也臨自者當在閉與不閉之

間也須令見日月之光景密而行之勿令有

知見之者見之則靈芒不降

修行上道先與人事隔絕自齋後皆宜清

淨特宜獨建一室門向東開不然則慮東

向牀亦宜向東卧處不要雜穢及別有衣

服振藉非上具可降之處日月是陰陽對

景諸法亦併存之惟在精思純一无雜他

思

太素真人曰子存日精五帝君口含太上靈儀文須此道成乃見日中君无此徒勞自煩

太素真人曰子存月精五夫人口含太上結璘章須此道成乃見月中夫人无此徒勞自悼傷

右二條太素真人受太帝君訣太上隱書云存時執之帝君云合之太素真人教裝君存時含一文執一文兼而行之各寫經中二奉法并諱字不用餘語日法以朱書青紙闊二寸許絳囊盛存時以右手執之月法以雌黃青紙書以黃錦囊盛右手執之又各朱黃細書一通於青薄帛上潤一寸許其字須極細急卷以蠟通丸之存時口含一通事訖以酒拭之安於香合內

鬱儀帝君真諱

日中赤炁上皇真君諱將車梁字高騫真秘以如不得轉呼此位號專和經中无存修之法日中青帝名圓常无字照龍韜形如嬰兒衣青玉錦帔蒼華飛羽肩連翠芙蓉冠赤帝諱丹靈峙字綠虹映

形如嬰兒衣絳玉錦帔丹華飛羽肩連丹符靈明冠白帝諱浩鬱將字迴金霞衣素玉錦帔白羽飛華肩連結靈芙蓉冠黑帝諱澄增淳字玄綠奕形如嬰兒衣玄玉錦帔黑羽飛華肩連玄山芙蓉冠黃帝諱壽逸阜字緝輝

象形如嬰兒衣黃玉錦帔黃羽飛華肩連扶靈紫冠

精且具冠服焚香向日再拜與微畢口含經文當舌上以字首向內正坐向日出圓光上者心存上皇真君諱字便即心拜拜異乃臨目臨目閉自此後不得中間開眼十息文正對日平坐仰手膝上左手執經文亦宜屈大指為握固右手亦握固又嚙日光十過當存日光入口即吞之存日中有赤炁紫炁有九道心呼曰

耀靈九神華芒

九芒來注於面乃小開口微吸而吞之十通訖閉炁想腹中光芒上連泥丸下通臟腑煖照形體洞徹內外良久仍存此光芒直至事畢勿令散絕次微呼帝君名字呼

聲繞令自耳聞之次存月魄作九圓之象黃色稍小於日在日炁之中如得光虛映勿以實質然既不言形狀但覺其中若有神相應而已

密呪曰

月魂精神曠蕭臺標使我得到日窟之天東蒙長丘得受神暉之章帝九有之符食青精日飴飲雲碧之腴嬰八極之城登明真之臺坐布林之殿詠玉晨之辭

心中默念不得出聲次照祝曰願得與五帝真君日魂精神共乘景雲上奔日宮次又閉目存青帝從日中乘光芒而來在我之左心呼諱字又存赤帝從日中乘光芒而來在我之右心呼諱字又存白帝從日中乘光芒而來在我之背而主心呼諱字又存黑帝從日中乘光芒而來在我左手上手呼諱字又存黃帝從日中乘光芒而來在我右手上心呼諱字手既執文不可以開只於手上而立面向我心呼諱字五帝都來存帝服色令髮髯各存既畢又皆存

五處五帝形容服色一時而見叩齒五通
嚙液九通微視曰小動看出聲可

赤爐丹景圓華九明 太暉啓晨煥耀朱精
五帝聲霞映洞萬生 觀落上真空無條平
運炁煉彩流蕩五形 使我神化六腑敷榮

參承降雲陽燧九輯 上奔日宮與帝合靈
念畢存日魂乘日光中來對我之面去西
九寸許想其中有神在焉再叩齒三通嚙
液三過又微視曰

月魂精神前

又存陽燧絳雲之車如今車輅之狀駕九
赤龍從日光中來到我之面自與身形俱
忘存祝都畢澄心注想又想左右手上黑
黃二帝各下手外兩邊而立即都忘五帝
共携我我作起形一時同登此車中而坐
并存月魂亦在車上光芒之中還乘此光
芒騰迅而往運連日中即冥心竊想今恍
惚忘形如長在日中良久嚙唾十四過訖
乃閉目更勿視日凡諸節度預宜究習一
坐至畢不可致疑看文行之一年仿像二

年見形三年下降四年便朗然洞徹面有
五光五年成真十一年得乘雲車羽蓋駕
命群龍上奔日宮受書為上清真人得給
玉童二十六人玉女二十四人

結璘夫人真諱

月中黃炁上皇神母諱曜道支字玉蒼條存
以知不得稱呼此位號月中青帝夫人諱隱
身秘題中九存皆之法娥珠字芬艷嬰形如嬰兒衣青華瓊錦帔翠
羽鳳文飛羽扇頭作頰雲三角髻餘髮垂玉
腰赤帝夫人諱翳逸寒字婉延虛形如嬰兒
衣丹藥玉錦帔朱華鳳落飛羽扇頭雲三角
髻白帝夫人諱靈素闌字鬱連華衣白琳四
出龍錦帔素羽鸞章飛華扇頭雲三角髻炁
帝夫人諱結連翹字鸞屬金衣玄琅九道雲
錦帔黑羽龍文飛華扇頭雲三角髻黃帝夫
人諱清營標字只定容衣黃雲山文錦帔綠
羽鳳紋繡帶頰雲三角髻餘髮並垂至腰形
同如嬰兒
靜夜具冠服焚香對月再拜或月夕曉亦
有高下宜所在向之其朔後二三日初出

之時日幾沒見月即可為之至月漸高則
待日光沒盡月色光明乃可行之其晦朔
之間月形既盡固无可存修室中不得見
月當出庭外或屋簷之下陰兩居室內口
含經文當舌上字首向內對月長跪心存

上皇神母諱字起兩手拊心而拜值望日
月夕蝕則未可行之待蝕已則行之拜畢
乃臨目自此臨目閉目直至事畢不得中
閉閉炁九息對月平坐仰手膝上右手執
經文左手握固仰面向月為之九息者如
脉四十五動之又嚙月光九過當存月光
入口中吞之存月中有黃炁白光八朗之
芒心呼曰

月華夜精八芒

八芒來注於面開口微吸而吞之九過訖
閉炁想腹中光芒上達泥九下通臟腑朗
照形体洞徹內外良久此光芒直至事畢
勿令散絕微呼呼吸聲繞令自耳聞之吹存
日魂作辟方之景赤色如月之大在月炁
之中浮光虛映勿以虛質又魂神既不官

形狀但覺其中若有神相應而已。既祝曰：日魂精神珠景赤靈使我西到六嶺七門入協晨玉宮八結素丘八景上房得帶十明之符佩流星夜光之章坐太和之殿登七靈之臺頌月帶雲膏食若瓊紫津之粘諫高上之篇吟玉晨之辭。

心中默念不得出聲吹然祝曰：願得與五帝夫人日魂精神共乘飛雲上奔月官又閉目存青帝夫人乘月光芒而來在我之左心呼諱字次存赤帝夫人乘月光芒而來在我之右面向左心呼諱字又存白帝夫人從月光中來在我之背心呼諱字又存黑帝夫人從月光中來在我之左手執握固只於手上而文面向我心呼諱字又存黃帝夫人從月光中來在我之右手執經文於手上而立面向我心呼諱字五帝夫人都來形容服色一時而見乃叩齒九通嚙液九過微祝曰：黃精啓暉元陰內章映觀太玄開動萬方敬射寒飈七晨懸瓊迴陰三合天地吐光

紫曜挺落浮華九空圓明賦來六炁化通五帝夫人躡雲抱風雲披鬱羅佩瑤帶瑤羽襟拂霄逸虛扇東霧樹敷晨蓋條秀達靈養鍊摩扶晨木公洞視萬里蔭靈五躬塊和神化六玄雲充還老歸嬰玉映反童

時乘流鈴雲飛十龍上奔月官位為保皇存日魂乘月光來對我面之前去面九寸許想其中有神在焉又叩齒九通嚙液九過又微祝曰：日魂精神

澄心法想見月中有流鈴之車車狀如今車輪之形飛雲為車之前齊駕十龍與雲相連靈霄然從光芒中來既到我前方回龍車之柱左右手上黑黃二夫人各下手外立於兩邊即都存五夫人共携我或作起形一時同登此車中而坐并日魂亦在車上光芒之中乘此光騰迅而往迢遠月中冥心罷想今恍惚忘形如長在月中良久嚙液三十過訖乃閉目更勿瞻月凡諸節度預宜究習一坐至畢不可致疑者文

行之一年剪髮二年見形三年下降四年洞視身生流光五年成真十一年得乘玉龍轡上奔月官為上清真人得給玉童二十六人五女二十四人太素真人傳清靈真人裴君三事太上鬱儀結璘之章以致日月之精神上奔日月通天

光飛太空之道也皆乘雲車羽蓋駕命群龍而上昇皇天紫庭也內觀中方曰子欲步空當存日月玉欲登清靈當存五星密室密行不出宇庭此之謂也素奏丹符曰大哉鬱儀妙乎結璘非上真不見非上仙不聞以日月五精之神乘龍步空足躡景雲遂與五帝上八天門有人聞之慎勿妄言見靈寶二卷十三卷靈寶无量度人上經大法卷之二十二